



John Carter Brown
Library
Brown University

15. A. 15.

Cranford

about 1513.


7

c. 1514

EMANVELIS LVSITAN: AL
GARBIOR: AFRICAE AETHI
OPIAE ARABIAE PERSIAE
INDIAE REG. INVICTISS.
OBEDIENTIA.



EMANUELIS IVSTIANI AL
GABRIOR: AFRICAE AETHI
OPIAE ARABIAE PERSIAE
INDIAE REG. INVICTISS.
OBEDIENTIA.



Dieghi Pacecchi Iur. Consult. In præstanda Obe-
dientia pro Emanuele Lusitanor. Rege In
uictiss./Leoni. X. Pont. Opt. Max. dicta Oratio.

E Loquar an fileam? Quis nam obsecro uel
consumatissimus Orator P. B. quæ tanta
ingenii aut facundiæ felicitas / ne dicam esse /
sed animo concipi potest / quæ ante augustissimū
tui acerrimi Iudicii Tribunal / apud Maiestatem
tuā in sublimi solio / ac solidissima Petri Petra / di-
uina unanimiq; omniū sententia sedētē / Inter Sa-
cro sanctæ Romā. Ecclīæ Cardines firmissimasq;
Colūnas / ac tot clarissima mundi lumina / quasi
Solem inter sua sidera micantem / In tāta præstan-
tissimorū uiroꝝ corōa / celeberrimoq; totius Orbis
theatro de re tā ardua / tamq; difficili nō dicā uer-
ba facere / sed mutire quidem aut hiscere audeat.
Quæ sane res / si ulli unq; in hoc sacro Conuentu
dicturo difficilis uisa est / mihi quidē eo maiorem
difficultatem afferre debet / q; homo peregrinus /
nullo dicendi / nulloq; eloquendi studio sim excul-
tus / sed rudis adhuc / & tranſalpini sermonis situ
squalidus / crassq; (ut ille inquit) sub aere natus.
Venerunt profecto timor & tremor super me / &
contexerunt tenebræ. Quid igitur faciam / tacebo
ne? sed urget me parendi necessitas. An iustissimi

Regis/Dñiq; mei dicto nō audiam/ qui sanctissi-
ma dei pręcepta libens audire / seq; ac sua omnia
eidē dicare semper cōsuevit? An illius imperio nō
obediam/qui & ipse ultro obediens/nos cum obe-
dientia ad te mittit? An optimi/ ac religiosissimi
Principis tam sancto desiderio refragabor/ qui ut
tua lumina supplices adiremus / tuosq; Sanctissi-
mos Pedes exosculemur/nō sumptui/nō impen-
sæ/ non laboribus pepercit? In tanto fluctuantis
animi æstu hærerem proculdubio P. B. nisi sere-
nus iste / diuinusq; Vultus tuus / discussio mentis
nubilo/omnes iam difficultates peruinceret/ quo
nos usq; adeo recreas / ut tuo uelut numine sincer-
ram Principis nostri mentem/ purissimū cor/ præ-
cipuam fidem/singularem obseruantia/ atq; hila-
rem offerentis animū iam perpendisse uidearis /
Neq; ex uerbis inopia/ sed ex animi copia rē me-
tiri/maioresq; bonæ uoluntatis/ q̃ culti sermonis
habere rationem. Quare tuis iam auspiciis B. P.
Serenissimi Regis nostri Emanuelis mandata
paucis explicabo/ ut quam tuæ Sanctitatis auri-
bus molestia forte hac barbara mea elocutione at-
tulero/ eandem ipsam Orationis saltem cōpendio
rependā. Sed unde ordiar? quid primū exequar?
Equidem diuinas tuas laudes/æternasq; uirtutes
aggressurus nouam quandā pati uideor ex copia
inopiam / Ita dicere conāti certatim se se ingerūt/

ita quęlibet festinabūda accurrens / primū apud
te locū sibi uendicare gestit/adeo quidem ut inui-
cem se se ipsas eo concursu impediāt & obturbēt.
Cogitanti enim mihi pręclara Iustitię munera /
qua ad amissim & ęqua lance cuncta perpendis/
quę ut Cęterarū domina & Regina se primū of-
fert/Reclamat eius socia Clementia/ ac uelut tibi
peculiaris & propria pręferri miris modis expo-
stulat.Dicturū de singulari prudentia/qua perpe-
tuę uitę lineam tam bene duxisti/nō patitur for-
titudo/quę te interritū/ ac summa florentissimarū
uirtutū cacumina Leonino more affectantē. For-
tissime simul & fęlicissime Leo/ tot laboribus/ tot
fortunę fulminibus sola uirrite superatis/in ipso
ętatis flore (quod uix alteri contigit) ad eminen-
tissimū rerū fastigiū euexit.Cęteras uero cōtemp-
nit; nulliq; cedit temperantia / cū posthabitis uo-
luptatum illecebris toties de te ipso pulcherrime
triūphaueris. Grauitas quoq; quę potissima laus
in Principe est/nec lento quidem gradu/ ut te sibi
quasi suū uendicer/procedit:Cum tamen Benigni-
tas longo illam interuallo anteire conatur. Certat
cū Frugalitate Liberalitas/neq; ei quidem conce-
dere/aut hoc in certamine liberalis esse deliberat.
Verū ipsa dei prępotentis religio/recteq; uiuendi
ratio sanctissima/ qua cęteros mortales semp prę-
stitisti/merito quidē te totum possidere/sibiq; pri-

mas ab reliquis deferri debere summo studio contendit. Ita uirtutū quęcunq; prior occurrat/illi cęterę alię quasi inuidętes se se opponūt/ magnaq; ui obsistunt. In quibus profecto recensendis cum impediatur turba delectū / cumq; ego neq; eo ingenio sim/ neq; ea eloquētia/ qui illarū magnitudinē quę in te uno suū collocasse domiciliū uidentur/ efferre possim: Illis pretermisiss/ Quęso obtestorq; te P. B. ut pro tua humanitate dum demandatum mihi pensum absoluerē / pro uiribus adiutor/quę dicturus sum equis auribus benignissimē excipias. Venimus igitur Potentissimi Regis nr̄i Emanuelis filii tui deuotissimi iussu atq; Imperio ad Sanctissimos pedes tuos eius noīe Apostolico Throno/ac tuę Sanctitati de more gratulatū/ Deo imprimis gratias agentes : q̄ eum huic sanctę Sedi/ac Petri nauiculę Gubernatorē pręfecerit/qui ut nouit regere:ita & uelit & possit. Venimus ab ultimo Lusitanıę recessu/ut te dei Vicarium/xp̄ianę religionis summū Antistitē / unicū Romanę Ecclesię/Gregisq; dominici Pastorem ueneremur/colamus/atq; in tuo nomine Christū/cuius uicem geris/adoremus. Venimus publice priuatimq; tuę Sanctitati ab utroq; Orbe/ nostris iā armis conuincto/obedientiā/ ac uerę recognitionis signa pręstituri: Neq; ea quidem solita & antiqua P. S. sed noua / ac multo maiora tibi afferi.

mus: Et quę ad Sanctissimā contra Christi hostes
expeditionē in sacro Lateranē. Cōcilio: quod ad
id potissimū tam recte q̄ sancte continuare insti-
tuisi/decernendā/nō solum attineant/sed uel ma-
xime impellant. Nam ut Lusitanorū retro Princi-
pum domi foriq; pro Christiano Imperio studiū
ac gesta omittā/utpote uniuerso orbi satis iam su-
perq; satis nota/Vt admirandā Manicongrii Re-
gis cū innumero populo/Regis inq; totius Aethio-
pię maximi ac potentissimi/nō sine diuino miste-
rio:sedula tui Emanuelis opera ad Christū cōuer-
sionē silentio præteream / Cuius noua obedientię
munera nō multo post primus uidebis/primusq;
excipies/Quid de nostrorū Indica expeditione/bel-
loq;/quod in Oriente magnis animis geritur/exi-
stimandū est? Licet enim ad mei Regis famam/
meę Patrię decus/Lusitaniq; nominis æternitatē
spectet/haud tamen silendū est Opus diuinū po-
tius q̄ humanū/Opus ante secula nostra nescio in-
spiratū/an uerius desperatū/Opus quo impius il-
le Maumetes/eiusq; præcipua Sedes Sarracenorū
caput Mecha/in hęc usq; diem Christianis armis
inaccessa/nobis nūc diuino suffragio peruia/nō si-
ne magno sanguinis pretio reddita est. Nāq; tam
longe/tanto terrę marisq; tractu/ultra Centū sta-
diōrū milia/nostra arma/uiētricesq; manus protē-
dantur/ tam imensa Oceani uastitate enauigata /

tot insanis tempestatibus superatis / tot laboribus
exanclatis: expugnata pene ipsa rerū natura / nec
id quidē impune. Multa enim nostrorū corpora ip
si indignanti Oceano deuoranda / monstrisq; ma
rinis in escam dantur. Pretiosa sane / ac sūmo prae
mio digna sepultura / quae sui dei amore: suae fidei
zelo: sui Regis imperio / suae Patriae / gentisq; stu
dio pulcherrime parat: Qd tot Reges / ac Satrapae
gentis numero / rerū opulentia / munitissima classe
Potentissimi / nostra arma uiresq; sentiant / eorūq;
potentia a nostris / quāuis numero imparibus sepe
retinēsa / multoties confracta / sepius attrita: Qd tot
Prouinciā subactae / tot Populi sub iugū missi / tot
Nationes in potestātē redactae: Nec ipsa modo op
pida & opes: sed multorū quoq; Animae recupera
tae / qui a perpetuo Maumeticae seruitutis iugo li
berati / ueram dei fidem agnouerūt: Qd memora
tissima alter quondā orbis terrarū credita Tapro
bane multis antea saeculis incognita / nec minus
expetita q̄celebris / nobis iam sit familiaris: Qd ce
leberrima illa Aurea Chersonesus / Regiaq; eius
Malacha nr̄is subacta armis / iura legesq; nostras
acceperit: Qd plurimi Reges / ac minime aspernā
di Principes audita Lusitanorū fortitudine / ultro
fēdus & amicitia per Legatos expostularint / Mu
nera etiā / & ea quidē pretiosissima dono dederint:
Qd maximus ille / potentissimūq; Princeps Pbr̄

Ioannes sua Arma nostris iunxerit/ueræ adoran-
dæq; Crucis haud exiguū lignum tuo Emanueli
miserit/ totiusq; sui Regni uires contra Catholice
fidei hostes libere quidem obtulerit/ Nonne hæc
omnia P. S. ductu opera auspiciisq; tui Emanue-
lis in Christi iam peculiū recensenda/ atq; in San-
ctæ Ro. Ecclesiæ Patrimoniū sunt referēda? Sed
quo ego illud piaculo pretereā Sanctiss. Leo/ qd
nuper hoc Anno Inuictiss. idem Rex noster feli-
cissime in Africa gessit / nihili estimans/ q; uariis
hinc inde bellis/ hinc ex Asia/ Inde ex Africa age-
retur/ ut magno apparatu bellico / maximaq; in-
structa Classe Illustris magnanimiq; Bragantiæ
Ducis Sororis Filii uirtute ac robore animi & for-
tissimog; Militū ardore nō fere prius instructam
aciem in Africā transmiserit/ q̄ de hostibus trium-
phauerit: Azamor Mauritaniæ urbem loci situ &
soli ubertate insignem/ ac totius Regni quasi Ca-
put tantopere a Christianis & frustra tentatā ex-
pugnauerit/ Mox Almedinā ortodoxo nomini in-
festam/ & cunctis affluentem diuitiis/ aliaq; Op-
pida munitissima/ compluraq; loca opulentissima
suæ ditioni suoq; imperio felicissime adiecerit: Cu-
ius rei gaudiū duo Tintinnabula indigna olim
ex Christianis trophæa in Vrbe Azamor reperta
mirifice testata sunt/ Quæ antiqui non oblita soni
magno Christiani nominis dedecore tot Annos

suppressa/ Insperato nunc quasi postliminio diuinas laudes quotidie resonant/ & quo diutius contuere/ eo clariore sonitu letius iucundiusque exultant/ Tum in gratulatione restitute libertatis/ Tum in contemptu perfidi Maumetis ac superbi Sathanæ/ qui ibidem cum diris deuotionibus (horrendum dictu) in Christianum nomen indignissime colebantur/ nunc autem illorum dedecore uera Dei fides/ uera laus/ uera gloria suscitatur/ agnoscitur/ prædicatur. Magna hæc sunt P. B. signa/ & (ut uerius loquar) certissima Dei promissa. Dominaberis perfecto dominaberis a mari usque ad mare / & a Tyberi usque ad terminos Orbis terrarum. Reges Arabum & Saba dona adducent/ & adorabunt te omnes Principes/ & omnes gentes seruient tibi/ Tibi seruiet ultima Thule. Quid enim iam sperandum est/ nisi extremam illam Orientis oram/ quo uix fama quidem Christiani nominis peruenerat/ nostræ Occidentali coniuncta/ & ad ueri Dei fidem cultumque tractam propediem Tuæ S. ut Optimo Pastori Christiani gregis more nouam Obedientiam ac debitum obsequium præstituram/ ut Indo ac Gange/ Tago ac Tyberi in eundem uelut Alueum coactis/ tuisque simul auspiciis concorditer fluentibus/ fiat unum Ouile & unus Pastor. Age igitur B. P. quod te iam mente ista altissima euoluere credimus/ tantam bene gerendæ rei occasionem amplectere/ Ag

grederet hanc tam claram Prouinciã Magnanime
Leo dignam Principe/dignam Pontifice/dignam
inq̃ Leone Orthodoxæ religioni salutarem / Deo
Opt. Max. gratissimã. Quid enim Seruatori no-
stro Christo Iesu acceptius efficere potest eius Vi-
carius/q̃ infinitas pene Animas perpetuo baratro
demergēdas in uiam salutis dirigere? Quid Sedi
Apostolicæ & Christianæ Reipub. cōmodius/q̃
membra Ecclesiæ suo Capiti restituere? Tuū est
P. S. æstuantis Petri Nauiculæ naufragio subue-
nire / Tibi hereditariū fluenti Populo mederi/ &
Christianā Rempub. tot procellis / tot sēuissimis
tempestatibus tam diu iactatam tuo salutifero ac
pretioso Pharmaco/peculiari quodam gentis Me-
dice Iure medicari: In te omnis egrotantium spes
alioqui inclinata recumbit: Tu publicæ saluti re-
mediū adhibe / Verum uerū inq̃ Leonem indue/
peruigila/aut oculis adaperis somnū in hac Na-
uicula/ quod Leoni de suis Catulis sollicito pecu-
liare legimus/captabis/In quā nō somniculose est
dormiendū ne periclitetur/ne pereat: Pastor es bo-
nus/ ne Oues tuas Barbaris morsibus lacerandas
permittas: Vnge nos Leo Clementiss. tuo salutife-
ro adipe/tuo pretiosissimo unguento/ quo rapacis-
simorū Luporū rabiem conteramus / teq̃ ferocissi-
mum Leonem in perfidos Christi hostes ostende:
Qd̃ quo facilius perfici possit/totis uiribus/ quod

instituiſti/adnitendū eſt / ut Chriſtianorū Princi-
pum cōcurrentia inter ſe ſigna/ unde tot uulnera/
tot clades/ tantā ſanguinis effuſionē tot Ciuilibus
bellis oppreſſa res Chriſtiana indies patitur / in
primis cōponantur: Ac tādē confecta pace/qua
nec Deo quicq̃ acceptius / nec huic rei aptius eſſe
potest / Sedatiſq; eorū discordiis unanimi cōſenſu
cōcordia fideiū arma in Infideles tuo felici auſpi-
cio conuertantur: Quod ut facias quāto poteſt ſtu-
dio ac ꝑcibus te obſecrat/teq; obteſtatur B. P. tuus
Emanuel/ qui huius ſanctæ Sedis progenitorum
more/ ac tuę S. precipue ſemperq; ſtudioſiſſimus/
qua ſolet obſeruātia nos alacri animo ad te mittit/
Cuius nomine obedientiā exhibentes/ueræ ſince-
ræq; fidei officia ſpondemus nuſq̃ defutura: Teq;
uerū Chriſti Vicariū/ Petri heredem/ Maximum
Ro. Eccleſiæ Pontificē/ totius Chriſtianæ Reip.
Preſulem recognoſcimus/fatemur/adoramus: Si-
mul etiā ut ueſtris Sacris Conciliis interſimus in-
iunxit: Vbi Clementiſſimus Deus dignetur adſi-
ſtentiū corda Spirituſancto ita replere/ ut te duce
ea decernantur/ quæ Dei cultum/Catholicæ fidei
augmentū/S. Sedis Apoſtolicę decus/Tuæ B. me-
rita ac famā/Sacri Concilii laudem/Totius Chri-
ſtiani orbis cōmodum/Infidelium pernitiem/exci-
diumq; perpetuū concernant/ In Dei Opt. Max.
gloriam ſempiternā Amen.

M. CASANOVA.

Dū Tulli eloquiū/ & clypeus famulat Achillis/
Emanuel dextra fulminat/ ore tonat.

IO. IA. CIPELLVS.

Armis Emanuel/ Pacecchus ore est
Clarus/ uiribus ille/ hic eloquendo:
Virtutes quoq; Regias in uno
Omneis Emanuele sentiebam/
Dum doctus celebraret hunc Pacecchus.
Hinc Regem dubitabo clariorem
Deuicti ne Arabes/ & Indi/ & Afri/
An oratio fecerit Pacecchi.
Dicent nec scio posterī & nepotes
Laudandū magis an magis timendū.

BLOSIVS.

Lusitanorum tum fortia/ tum pia facta/
Vrbem/ orbem implerant/ Oceanū/ Imperia/
Nempe pii & clari per secula perennia Regis
Nullum os/ nulla ætas laudibus abstinuit.
At postq̃ suus illa alto tulit ore Pacecchus/
Et Regem egregium nuntia lingua refert/
Percussis stupuere animis Patresq; Patrumq;
Ipse pater/ Regis laus geminata nitet.
Ac simul hinc Regē/ quod fecerit inclita/ laudat:
Hinc se/ quod tanto iusserit ore cani.

P. CVRSIVS CARPINET.

Regum gloria/Principumq; sidus/
Europæ decus/Indiæ subactor/
Vnus Emanuel facis quot omnes/
(Si fas uera loqui)suis duellis
Reges non faciunt potentiores.
Quæ nunc scribere non opus/q; omnes
Norunt tam bene/q; suos Lacertos.
Nam dū hæc grandiloquo explicauit ore
Paceccus tuus/sic Leo priorum
Longe Pontificum optimus/Senatus
Sic orbis stupuit tuis trophæis :
Hæc ut te erigere/haud loqui hunc putarito
Regum gloria/Principumq; sidus/
Europæ decus/Aphricæ subactor/
Quod Sol exoriens cadentem adorat :
Quod quū Sol uiget/est minor cadente:
Quod miracula tot facis canenda
Fœlix ter/quater es tuis canendis.
Sed quæ tot facis ut canat legendus
Seclis omnibus/omnibus disertis
Ter/quater/decies/perenne/fœlix.

LANCELOCTVS POLITVS

IVR. CONS.

Qd nã opus hoc? Oro. Cui obsecro dicta? Leoni.
Pro quos? Magnanimo pro Emanuele suo.

Quid potuit tanto dici pro Principe dignum?
Quis potuit tanto dicere digna Deo?
Pacechus/grandi & claro qui edisserit ore
Te digna Emanuel te quoq; digna Leo.
Sit tua diue Leo uirtus licet unica/& ipsa
Vnica sint etiam gesta tua Emanuel/
Par tamen illius dicendi gloria/cum sit
Vnicus ingenio/& unicus eloquio.

B. DARDANVS.

Hec quoq; ne occiduae gēti laus desset ab armis
Ingenii rarum protulit illa decus;
Nuper enim Orator dū Lusitanus in Vrbe
Funderet eloquii flumina larga sui.
Roma sacrosancto stupuit ueneranda Senatu/
Substitit attonitis Albula tristic aquis.
Eloquiū domina quod iā Tagus hausit ab Vrbe
Hauriat occidui Tybris ab amne Tagi.

IDEM.


Imperii augebat latos Hispania fines
Mitteret Augustos cum tibi Roma duces;
Dum Lusitani tonat hic præconia Regis
Eloquii amissum rettulit illa decus.


IANVS VITALIS PANORMITANVS.

Dux/orator/eques/prudens/torrens/animosus;
Vincit/agit/pugnat/ingenio/ore/manu.

CAMILLVS PORCIVS.

Ante quidem/Emanuel Regū Rex/gloria belli
Cesserat armorumq; tibi/prærepta; nobis
Militiæ laus atq; decor/quo maxima Roma
Diuū hominūq; parens Cēlo se se intulit olim/
Dum tu posthabitis bellis Ciuilibus/& quæ
Nunc miseram urgent Europā/felicius arma
Vertis in infidos hostes/belloq; frementes
Indosq;/Ethiopesq;/ignotaq; Regna laceffis/
Atq; indignatū sternis tot Classibus æquor:
Nō tamen antiquo e/Latio/& Laurentibus oris
Candor adhuc aberat linguæ/pluresq; uigebant
Eloquio insignes/soliti uolitare per ampla
Ora uirū/æternūq; decus nomenq; mereri:
At postquā Orator grādi tonat ore Paccchus
Gesta tua Emanuel/ tuaq; inclita facta reuoluens
Flexanimæ rapit adstantes dulcedine uocis /
Obstupuere omnes/Latiæ obstupuere Camenæ/
Miratq; suū Tyberim ut migrarit in Alueū
Auriferasq; Tagi/ac Durii prædiuitis undas.
FINIS.





- 12144 -

Christie Miller Sale
June 30, 1919

- 274 **EMANUEL**, *King of Portugal*. Emanuelis Lusitan : Algarbior : Africae Aethiopiae Arabiae Persiae Indiae Reg. Invictiss : Obedientia, roman letter, 8 leaves, title as above, entirely in capitals, occupying 5 lines, with woodcut of the arms of Portugal beneath, all within an ornamental woodcut border, straight grain olive morocco extra, gilt border lines, g. e. by Zaehnsdorf, from the Earl of Crawford's Library, with his auto. signature on fly-leaf, FINE COPY

C51A
P 116e

17

